

UPUTSTVO ZA OBJAVLJIVANJE RADOVA

Radovi Poljoprivredno-prehrambenog fakulteta Univerziteta u Sarajevu su godišnjak u kojem se objavljuju naučni, izuzetno i stručni radovi, te izvodi iz doktorskih i magistarskih teza. Radovi Poljoprivredno-prehrambenog fakulteta Sarajevo imaju karakter naučnog časopisa i kao takvi podliježu propozicijama za takve publikacije. Od broja 52 Radovi su indeksirani kod CAB Publishing - UK.

Članci za objavljivanje se klasificiraju, po preporuci UNESCO-a, u ove kategorije: naučni radovi, prethodna saopštenja, pregledi i stručni radovi. Autori predlažu kategoriju za svoje članke, recenzenti preporučuju, a konačnu odluku o kategorizaciji donosi Redakcija. Naučni radovi sadrže rezultate izvornih istraživanja. Njihov sadržaj treba da bude izložen tako da se eksperiment može reprodukovati i provjeriti tačnost analiza i zaključaka. Prethodna saopštenja sadrže one značajne naučne rezultate, koji zahtijevaju hitno objavljivanje. Ova istraživanja mogu biti vremenski kraća od uobičajenih. Pregledi sadrže pregled neke problematike na osnovu već publikovanih tekstova, koja se u pregledu analizira i diskutuje. Stručni radovi su korisni prilozi iz područja struke, koji ne predstavljaju izvorna istraživanja.

Članci se pišu na bosanskom, srpskom, hrvatskom i engleskom jeziku. Na početku rada treba pisati naziv rada (velikim slovima) na maternjem i na engleskom jeziku, a nakon toga ime (imena) autora. Naziv radne organizacije autora upisuje se u fusnotu (Ariel 7). Ispod imena autora obavezno se upisuje i kategorija rada. Poželjno je da članci naučnog karaktera imaju uobičajenu strukturu naučnog rada i to:

rezime (na bosanskom, srpskom i hrvatskom), summary na engleskom jeziku, uvod, pregled literature

(može se dati i u uvodu), materijal i metode rada, rezultati

ispitivanja, diskusija, zaključci, literatura. Rezime i summary na našim jezicima i

engleskom jeziku mogu imati maksimalno 200 riječi, uz obavezno upisivanje ključnih riječi. U spisku literature daju se samo autori i radovi koji se spominju u tekstu. Imena autora u tekstu pišu se spacionirano (sa razmakom). Latinska imena biljaka, životinja i mikroorganizama treba (osim imena autora) pisati kurzivom. Tabele, grafikoni i slike moraju imati svoj naziv, a ako ih je više i broj. Broj i naziv tabele pišu se u istom redu, iznad tabele, dok se broj i naziv grafikona, crteža i slika pišu ispod tih priloga. U tabelama, grafikonima i slikama naslove, zaglavlja i objašnjenja poželjno je dati i na stranom jeziku. Grafikone i crteže treba raditi isključivo u crno-bijeloj boji. Tabele uokviriti linijama debljine 1/2 pt, bez sjenčenja pojedinih ćelija, ili redova i kolona. Slike i grafički prikazi treba da budu besprijekorne izrade radi kvalitetne reprodukcije u knjizi.

Radovi, po pravilu, ne treba da budu duži (sa priložima) od 12 kucanih stranica. Izvodi iz magistarskih teza mogu biti dugi do 15, a iz doktorata do 25 kucanih stranica.

Za sadržaj članka odgovara autor. Članci se prije objavljivanja recenziraju, osim u slučaju ako su već prethodno recenzirani (izvodi iz doktorskih disertacija i magistarskih radova). Redakcija zadržava pravo redaktorskih i jezičkih korektura u člancima.

Autor predaje Redakciji članak uređen prema uputstvima za pisanje radova, odštampan u jednom primjerku, i elektronsku verziju (kompjuterski obrađen članak) na CD mediju ili na disketi. Prilikom slanja radova redakciji obavezno, u posebnom dokumentu, naznačiti kontakt adresu i e-mail adresu.

Elektronsku verziju rada treba pripremiti u Wordu u formatu stranica 170 x 240 mm, sa slijedećim veličinama margina: gornja i donja 2,2 cm, lijeva 2,0 cm, a desna 1,5 cm, te formatirati parne i neparne stranice. Isključivo koristiti font Times New Roman, veličina 11, dok za fusnote treba koristiti font Arial, veličina 7. Tekst treba da je obostrano poravnat. Nazive poglavlja u radu treba pisati velikim slovima, boldirano i sa srednjim poravnanjem, te jednim redom razmaka od teksta.

Prilikom formatiranja članka ne treba uređivati zaglavlje i podnožje članka (Header and Footer) niti numerisati stranice.

Prije pisanja članaka za Radove, poželjno je da autori pogledaju formu radova već objavljenih u jednom od zadnjih godišnjaka, radi unificiranja forme članka, koja se zahtijeva od ovakvih publikacija, ili da nas posjete na našoj web stranici:

www.ppf.unsa.ba, gdje mogu naći uputstva sa primjerom pravilno uređenog članka.

Vanjski saradnici, prilikom prijave radova, treba da uplate iznos od 100 KM na žiro račun, a saradnici van BiH uplaćuju 100 € na devizni račun Fakulteta koji se nalazi na podlistku Radova, bez obzira da li će rad biti objavljen ili ne. Više informacija, autori mogu dobiti obraćanjem Redakciji na e-mail: **radovippfsa@yahoo.com**

Pridržavajući se ovih uputstava, autori ne samo da olakšavaju posao Redakciji, nego doprinose da i njihovi radovi budu pregledniji i kvalitetniji.

Odštampani Radovi se dopremaju u biblioteku fakulteta, odakle se vrši slanje radova u AGRIS (Agricultural Information Servis i CAB Publishingu – UK u pisanoj i elektronskoj verziji, odnosno svaki objavljeni rad posebno u PDF i Word formatu.

Biblioteka vrši korespondenciju i razmjenu radova sa drugim institucijama u zemlji i inostranstvu, te šalje apstrakte i radove autorima i koautorima.

Redakcija